



In mercuri ai 10 de NovëMBER éL gnü sughé le recupero dla 7° partida dl campionat 2010/2011 de 3° categoria por La Val, cuntra le Raas. La partida é gnüda sugada fora de ciasa. La partida é jüda fora 5 a 1 por le Raas. Cun chisc trëi puné lasciá sön trü resta La Val al 8° post te tlassifica. La partida á metü man bun por La Val.

En bel cross de Sottara Freddy röia bel avisa a Rubatscher Romeo te area, mo denant che al éss podü tra, röia le defensur sön le pal. Canche La Val é püch dan fá le prüm goal, se ciafi indô en rigore decuntra, sciöche vigni partida presc. Le rigore vëgn sön le prüm mumënt paré dal portier da La Val, mo le pal ti röia indô al atacant che fesc insciö le 1 a 0. Dô 10 min éL le portier da La Val che fesc na gran "paperada", en tiro che je bel plan cuntra le portier, ti röia sot les mans fora é röia te porta (chësta é la prüma dles 3 "paperades" dl portier). Sön le terzo gol éL le portier che podess se pié sënza problems le pal, mo al vëgn devié bel avisa dan area, insciö pó le atacant da Raas tra le pal te porta, 3 a 0 por le Raas. Sön le 4 a 0, éL le portier che vëgn fora por rinvié cun le pé, mo al sbriscia y ne atoca nia insciö le pal, le atacant che ê dlungia mëss ma plü apogé le pal te porta. Le prüm tēmp se stlusc jö sön le 4 a 0 por le Raas. Tl secundo tēmp é bugn La Val da acorcé sön le 4 a 1. En bel lancio de Sottara Freddy röia a Rubatscher Florian, che fesc le gol cun en bel colp de testa. Tl secundo tēmp vëgn ciamó espulso Rubatscher Florian por na burta blastëma. Le 5 a 1 ti garetà ciamo al Raas ala fin dla partida, en bel tiro fora dl area röia sot la traversa ite. La partida se stlusc jö sön le 5 a 1 por le Raas.

Chësc burt resultat é zigü gauja di tröc sogadusc che manciâ y dla "giornataccia" dl portier.

La formaziun titolara dla partida:



In cürt ciamó les sostituziuns dla partida:

al 80º Elzenbaumer Alex por Verginer Franz

Por ciaré ala tlassifica y i resultaé dles artres partidas clicca. [Resultaé y tlassifica](#)